

## siulersuisut pisortallu akissarsiaannut politikki

### Piginneqataasup pingaarnertut malitassai

Piginneqataasup akueraa aqutsisut unammillersinnaasumik akissarsiaqartinneqarnissaat pisariaqartoq ingerlatseqatigiiffimmi aqutsisut pikkorissut pissarsiarineqassappata pigiinnarneqassappatalu. Akissarsiali inuiaqatigiinni akissarsiat ineriartornerannut naapertuuttut isigineqartariaqarput. Akissarsiat tamakkiisut, tassa aalajangersimasoq nikerartorlu allallu tapit akissarsianiittut, akuerineqarsinnaasumik qaffassuseqartariaqarput aqutsisullu nammineerlutik suliaannut, akisussaaffiit ingerlatseqatigiiffimillu nalilinnik pilersitsisarnerannut tulluullutik.

### Siulersuisuni ilaasortat akissarsiaannut politikki

Piginittup akissarsiat pillugit politikki naapertorlugu siulersuisuni ilaasortat aalajangersimasunik akissarsiaqartinneqarput. Akissarsiat amerlassusissaat ataatsimeersuarnermi aalajangersarneqartarpoq ukiumoortumillu nalunaarummi nalunaarutigineqartarluni. Ingerlatseqatigiiffiup siulersuisuni ilaasortat sulinerminnut atatillugu angalanerinit, ineqarnerinit, attaveqartarnerannut il.il. aningaasartuutit akilertarpei. Siulersuisuni ilaasortat suliaannut tunngassuteqartut qarasaasiakkut nassiunneqartarput taamaattumik ingerlatseqatigiiffik ilaasortat allaffissornerannut tapiissuteqartarpoq taamatullu IT-mik atuinerannut. Siulersuisuni ilaasortat kujuummissummik akissarsiaqartinneqarneq ajorput.

### Direktionip akissarsiaannut politikki

Pisortaanerit akissarsiaasa angissusaat katiterneqarnerilu atorfinnut assigusunut angisuumik akisussaaffitalinnut naleqqiullugit pilerinartuussapput. Akissarsiat aalajangersarneqartassapput ingerlatseqatigiiffiup pisortanit pigineqartutut inissisimanagera paasisimallugu.

Akissarsiat aalajangersarneqartassapput paasinartumik aamma sapinngisamik pisariitsumik qularnaarlugu ingerlatseqatigiiffiup soqutigisaanut naapertuunnissaa.

Akissarsiat iluanniippup akissarsiat aalajangersimasut, soraarnerussutisiaqalernissamut akiliitit (ingerlatseqatigiiffiup neqeroortugineq ajorpai suliat tunngavigalugit soraarnerussutisiaqartitsinissaq), bileqartitaaneq, angerlarsimaffimmi sullivik (internet aamma oqarasuaat) kiisalu pisariaqartinneqarpat atorfinnut atatillugu ineqartinneqarneq, tassani pisortaanerit attartornermut akiliisassapput malittarisassat atuuttut naapertorlugit. Tassunga ilanngunneqassapput angusat naapertorlugit ajunngittorsiaqartitaaneq.

#### Angusat naapertorlugit ajunngittorsiaqartitaaneq.

Siulersuisuni ilaasortat angusat apeqqutaatillugu immikkut ajunngitsorsiaqartarnissamut aaqqissuussineq aqutugalugu pilersikkumavaat ingerlatseqatigiiffiup anguniagaasa angunissaanut pisortaanerit immikkut kajumissuseqartarnissaat. Immikkut ajunngitsorsiaqartitaanissamut tunngaviit aalajangersarneqartassapput siunertarlugu ukiut naatsorsuiffiit ataasiakkaat iluini angusassat taamatullu ingerlatseqatigiiffiup anguniagassai pillugit.

Pisortaanerit angusat tunngavigalugit akissarsiaasa annerpaaffigissavaat, soraarnerussutisiaqalernissamut akiliitit pinnagit, aalajangersimasumik akissarsiat 20-40 %-ii.

Angusassatut aalajangersarneqartuni ilaassapput naliginnaasut angusassanut uuttuutit soorlu aningaasatigut angusat kiisalu sulisut atuisartullu iluarisimaarinninnerat kiisalu aalajangiinermut tunngaviit naleqquttut allat taakkuli pissutaallutik piffissap sivikitsup iluani iluanaarniapilulluni imaluunniit ajunaarutaasinnaasumik pissusilersortoqassanngilaq.

Siulersuisuni ilaasortat nominerings- amma akissarsianut ataatsimiititaliamik toqqaanikuupput ukiut tamaasa tapisianik misissuisartussanik kiislu tapisinissamut anguniakkanik nutarterisar-tussanik. Tamanna tunngavigalugu siulersuisuni ilaasortat pisortaanerit angusassaannik aalajangersaasassapput.

Pisortaanerit immikkut isumaqatigiissuteqarfigineqartassapput, aalajangersarlugu immikkorluinnaq pisoqartillugu pisortaanerit tamakkiisumik ilaannakoortumilluunniit tapisianik utertitseqqusisinnaanerit tunniunneqarsimasunik paasissutissat kukkusumik uppersarsarneqarsimasut tunngavigalugit.

## Pisortaanerit soraarneranni atugassarititaasut

Pisortaanerit soraarnissaminnut piffissaq atugassaasa naligat, soraarnermi ajunngitsorsiat il.il. annerpaamik qaammagini aqqaneq-marlunni akissiat angeqqatigisassavaat. Soraarnermut atatillugu ajunngitsorsiat taamaallaat tunniunneqarsinnaapput ingerlatseqatigiiffik soraarsitsisimappat.

## Paasinartuuneq aamma ammasuuneq

Akissarsiat pillugit politikki ataatsimeersuarnermi saqqummiunneqassaaq akuerisassanngorlugu kingornalu tamanut saqqummiunneqassaaq ingerlatseqatigiiffiup nittartagaatigut. Siulersuisuni ilaasortat akissarsianut politikkimik allanngortitsissagaluarpata aamma taakku ataatsimeersuarnermi saqqummiunneqassapput akuerisassanngorlugit.

Ingerlatseqatigiiffiup ukiumoortumik nalunaarutaa akissarsianut politikki pillugu avammut attaveqarnermi pingaaruteqarluinnartuuvooq. Siulersuisuni ilaasortat nominering- aamma akissarsianut ataatsimiititaliaa suliassaat pingaarutilik tassaavoq, misissussallugu:

- Ukiumoortumik nalunaarut imaqqassasoq pisortaanerit ataasiakkaat akissarsiaqartinneqarneranni immikkuualuttut pingaarutilit tamakkiisumik allaaserineqarsimanissaat,
- Pisortaqatigiinni ilaasut ataasiakkaat akissarsiaat tamakkiisut nalunaarutigineqarsimassasut,
- Ukiumut nalunaarummi nassuiarneqarsimassasoq akissarsiat akissarsianut politikki naapertorlugu aalajangersarneqarsimasut.

Aamma Nominerings- aamma akissarsianut ataatsimiititaliap peqataanik nakkutigissavaa ingerlatseqatigiiffiup ukiumoortumik nalunaarutaani pisortaanerit soraarnissaminnut piffissaq atugassaasa allassimanisarnissaa kiisalu suliitsiinnarnissamut aamma soraarnermut atatillugu aqqissuussinerit imaasa pingaarnerit allassimanissaat.

Tele Greenland A/S-p siulersuisuinit siullerpaamik akuerineqarpoq

Nuuk, 10. decembari 2013

Tusass A/S-ip siulersuisuinit kingusinnerpaamik akuerineqarpoq

Nuuk 14. februar 2022

Tusass A/S ataatsimeersuarnerani akuerineqarpoq

Nuuk, 20. maj 2022